



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 16. Articuli ad Disciplinam pertinentes.

---

[urn:nbn:de:hbz:466:1-66112](#)

Sæculum IX. lio, quia tam unius quam alterius Spiritus est. A. C. 869.

n. 8.

Cum econtra Filius solius Patris Filius sit, & Pater sit solius Filii Pater. Quare ergo, objicit sibi, *Filius simpliciter dicit, S. Spiritum procedere a Patre?* quia videlicet omnia refert eum, a quo & ipse proficiscitur. Sic in illo loco, ubi dicit: *mea Doctrina non est mea, sed ejus, qui misit me.* S. Augustinus eadem repetit in Opere de Trinitate, ubi hanc Doctrinam fusius explicat.

*Joan. 7. 16.*

*Trin. c. 17.*

26. 27.

## §. XVI.

### *Articuli ad Disciplinam pertinentes.*

c. I.

Ratramus in suo Libro quarto ceteris novem objectiones, quas Græci adversus Latinos afferebant, refutat. Hac silentio præteriri potuissent, inquit, cum Fidem non tangant, nisi amovendum esset periculum pusillo scandalizandi. Hic solum agitur de consuetudinibus Ecclesiarum, quæ semper diversæ fuerunt, & ubique similes esse nequeunt. Principio in Ecclesia Ierosolymitana Bona erant communia; sed aliæ Ecclesiæ bujus exemplum sequi non tenebantur. Tum refert Socratis locum de variis Ecclesiarum consuetudinibus.

c. 2.  
*Socr. V. hist.*

c. 22.  
*Sup. lib.*

*XXVI. §.*

50.

Ad cetera digrediens, incipit a jejunio Sabbati, & affirmat, illud a plerique Ecclesiis in Occidente non observari,

ri, sed eum morem in Ecclesia Alexandri-Sæculum IX.  
na, sicut in Romana vigere. Denique A. C. 868.  
hæc consuetudo pro lubitu recipi vel re-  
jici potest. Tum citat epistolam S. Au-  
gustini ad Casulanum & subjungit, quod  
in Magna Britannia mos fuerit jejunare  
singulis Feriis sextis, & in Monasteriis  
Hiberniæ toto anno, exceptis Dominicis  
& Festis. *Sane mirari lubet, inquit,*  
*quod nos in Sabbato jejunantes reprehendunt Græci, qui non damnant in toto*  
*Oriente jejunantes die Mercurii & die*  
*Veneris, licet ad hæc jejunia Constantino-  
poli nemo teneatur.*

c. 4,

*Objiciunt nobis, quod non per octo se-  
ptimanas ante Pascha a carnisbus, & per  
septem ab ovis & caseo abstineamus, quasi  
vero unam consuetudinem omnes serva-  
rent, cum tamen permulti ante Pascha sex  
solummodo Septimanis, alii septem, alii  
octo, & non nulli etiam novem jejunent. Jejunium.*  
*Atque illis, qui septem aut octo septima-  
nis jejunant, non satis est simplex absti-  
nentia illo tempore, quod sextam Septima-  
nam præcedit. Quantum abest jejunium  
Græcorum a perfectione illorum, qui to-  
to Quadragesimæ tempore nibil ad ignem  
coctum comedunt, aut tantum olera sine  
pane, aut semel tantum vel bis in hebdo-  
mada reficiuntur! Omnes consentiunt, je-  
junium Paschale quadraginta dierum esse  
oportere; sed quidam jejunant sex inte-  
gris*

Sæculum IX. gris septimanis, si Dominicos dies exc.  
A. C. 868. piis, & quatuor diebus Hebdomadæ septi-  
mæ, sicut Ecclesia Romana, & totus Oc-  
cidens; alii nec in Sabbatis, nec in Domi-  
nicis jejunant, alii etiam diebus Jovis  
non abstinent, & octo vel novem Septim-  
nas conjungunt, ut quadraginta dierum  
numerum impleant.

e. 5. Tonderi, barbam aut capillos raderet  
est consuetudo nec mala nec bona, &  
operæ pretium non est, ut Græci talia  
memorent. Id solum Ratramus notat,  
Tonsuram Clericalem nihil aliud fuisse,  
quam cujuscunque propriorum capillo-  
rum coronam, qualem in illius ætatis  
schematibus conspicimus. De Cæliba-  
tu Presbyterorum gravior est quæstio.  
e. 6. Obstupescendi omnino locus est, inquit,  
si Græci non intelligent, quod bac in  
Romani laude digni sint; si vero intelli-  
gent, condolendum profecto, quod contra  
testimonium propriæ conscientiæ ista effu-  
tiant. Si matrimonium ille damnat, qui  
abstinet; ergo damnarunt omnes Sanc-  
ti, qui cælibes vixerunt, & ipse JESUS Christus,  
qui illud tamen, cum nuptiis inter-  
fuit, sua auctoritate approbavit. Christi,  
Sanctorumque exempla Romani sequun-  
tur, cum apud illos nuptiæ celebrentur.  
At Presbyteri morem gerunt consiliis S.  
Pauli, & nuptiis renunciant, quo a nego-  
z. Cor. 7. &c. tiis sæculi sint expediti, atque liberius  
oratio-

orationi & sancto suo Ministerio vacare Sæculum IX.  
valeant.

A. C. 868.

Soli Episcopi Baptizatos Sacro Chris-  
mate in fronte ad conferendum eis Spir-  
itum Sanctum ungant. Præter Tradicio-  
nem Ecclesiæ habemus etiam auctoritatem  
Scripturæ in Actis Apostolorum, ubi S.  
Petrus & S. Joannes in Samariam missi Act. 8. 14.  
dicuntur, ut per impositionem manuum  
Spiritum S. baptizatis communicarent.

c. 7.

Hic Ratramus Decretalem Innocentii I.

Papæ ad Decentium citat. Ad illud Sup. lib.  
quod objiciebant Græci, Latinos Chris- XXIII.  
ma ex aqua confidere, hoc, inquit, est pu- §. 32.  
tidum mendacium. Nos enim Christia-  
sicut in omnibus aliis Ecclesiis ex balsa-  
mo & oleo miscemus. Illud quoque com-  
mentitum, apud nos consecrari agnum, c. 8.  
atque in Episcopos ordinari Diaconos, qui  
nunquam Presbyteratus Ordinem recepi-  
sent. (\*) At Græci, qui nobis hæc obji-  
ciunt, Episcopum ex simplici Laico ordi-  
nant. Quamvis Ratramus hæc duo fa- vid. Mabill.  
cta absolute neget, de primo tamen W a- præf. tom. 6.  
lafridus n. 162.

(\*) Saltem id ex negatione Ratrami sequitur;  
ejusmodi Ordinationes fuisse rarissimas, nec hu-  
jus rei veritatem fuisse satis exploratam, quam  
Ratramus ignoraret, alias vir eruditissimus. Ce-  
terum si de tali ordinatione constaret, validum  
esset argumentum pro affirmantibus Episcop-  
tum & Presbyteratum unum esse Ordinem.

Sæculum IX. laſridus Strabo, ejusdem sæculi Scriptor.  
A.C. 868. qui ante has turbas decesserat, fatetur  
Walaf. de in quibusdam locis morem fuisse conse-  
reb. Eccles. crandi agni prope Altare in die Pascha  
c. 18. quod tanquam de superstitionis Judai-  
Sup. lib. cæ seminario natum damnat. Nihilo  
XLVIII. minus in Ordine Romano hodieque no-  
§. 42. tatur Benedictio Agni in Die Resurrec-  
tionis, estque simplex oratio, quali  
etiam panis & aliæ escæ benedicuntur,  
quod Græci immerito reprehendissent.  
Si quid gravius subfuit, abusus hic erat,  
quem Latini æque ac Græci damnabant.  
Quod vero spectat ad Diaconos in Epi-  
scopos electos, istud non nunquam fa-  
ctum, ut superius observavimus, Æneas  
confitetur.

Ratramus ultimo defendit Ecclesiæ  
Obj. 7. Primum, quem cum Imperio Roma-  
Sup. l. IX. Constantinopolim migrasse Græci som-  
§. 34. niabant. Attamen, inquit, Socrates Hi-  
Socr. II. hist. storiar. Scriptor, natione Græcus, ubi de  
Prærogativæ Concilio Antiocheno ab Arianis celebra-  
Romanæ Ec-  
to ipsi sermo est, dicit, Julium Episco-  
Sup. l. XII. pum Romanum nec per se, nec per Vic-  
§. 10. rium buic Concilio interfuisse, cum tamen  
fine consensu Episcopi Romani Concilium  
celebrare Lege Ecclesiastica vetitum sit.  
Can. 7. In Concilio Sardicensi omnibus Episcopis  
depositis ad Episcopum Romanum appellandi licentia fit. Papæ per suos Lega-  
tos omnibus Conciliis Oecumenicis in  
Oriente

Oriente celebratis sicut etiam Niceno per Sæculum IX.  
Osum Episcopum, Victorem & Vincen- A. C. 868.  
tium Presbyteros, præfuerunt. Conci-  
lia, quæ Romani Episcopi confirmarunt  
sua approbatione, in Ecclesia recepta fue-  
re, quæ ipsi rejecerunt, borum nulla est  
Auctoritas. Illa deinde refert, quæ sub  
Sancto Leone ad abolendum Concilium  
Ephesinum, & Calcedonense celebra-  
dum aëta sunt, atque omnia ex epistolis  
Imperatorum & hujus S. Papæ probat.  
Transit deinde ad argumenta a Vicaria-  
tu Thessalonicensi deducta. Tandem  
Episcopum Constantinopolitanum sem-  
per Papæ fuisse subditum demonstrat, (\*)  
&

(\*) His Ratrami argumentis Protestantes egre-  
gie refelluntur. Guilielmus Cave in Sæc. Phot.  
Articulo de Ratramo ait: Anno 866. cum con-  
troversia Latinos inter & Græcos gliseret, Ec-  
clesiæ Gallicanæ Doctores a Nicolao Papa roga-  
ti, ut Occidentalium causam adversus Græcos  
agerent; & in his suadente Hincmaro suas etiam  
partes tenuit Ratramus noster, quas strenue &  
nervose obiit. Et infra: Vir erat pius, mode-  
stus, & haud dubie eruditus, a doctissimis qui-  
busque sui Sæculi viris magni habitus, quia &  
excepta lite Eucharistica ab ipsis Scriptoribus  
Pontificiis summis Elogiis ornatus. Itane, Do-  
mine Guilielme, Ratramus vester (si Diis placet)  
strenue & nervose partes suas sustinuit? atqui in

Hist. Eccles. Tom. XII.

U hoc

Sæculum IX. & putat illum, quando ei Titulus Pa.  
A. C. 868. triarchæ & locus secundus concessus est,  
solummodo Titulum honoris sine Juris  
dictione accepisse.

## §. XVII.

*Concilium Wormatiense.*

*Ann. Fuld.* In Germania quoque non defuerunt, qui  
868. to. 8. Græcorum calumnias refellerent, quo  
*Conc. p. 941.* rum Scripta in Concilio Wormatiæ de-  
cima sexta Maji anno octingentesimo  
sex-

hoc Tractatu strenue & nervose assertit Romani  
Pontificis auctoritatem & in tota Ecclesia juris-  
dictionem, dicit, nulli Concilio Oecumenico  
suam constare auctoritatem sine Romani Episco-  
pi consensu, affirmat, Concilia omnia a Roma-  
no Pontifice approbata, rata perstisſe, cetero-  
rum nullam esse auctoritatem, defendit, Episco-  
pos Constantinopolitanos nunquam non Roma-  
no Pontifici subjectos. An forsan, quæ adver-  
sus Græcos a viro pio, modesto, eruditissimo  
nervose dicta sunt, contra te, Græcis conser-  
tientem, non valeant? Ceterum, Ratramum  
contra substantiam Doctrinæ Catholice de Ev-  
charistia non pugnasse superius demonstratum.  
Illud tandem ridiculum, quod dicit Cave, Ratra-  
mum a quibusvis sui sæculi viris doctissimis me-  
gni habitum, & ab ipsis Scriptoribus Pontificiis  
ornatum. Quasi vero in illo Sæculo preter  
Scriptores Pontificios alii, nisi forte Photius, ex-  
titissent, aut ipse Cave in hoc Sæculo nominare  
alios potuisset.